



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

55. Sex Provinciæ armatam Urbis liberationem decernunt. Sola Hollandia
declinat.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

1660.

494 CHRISTOPH. BERNARD.

cessitate & angustia, Urbem & incolam, licitâ defensionis viâ, vel armis, copiisq; auxiliariis, vel quibuscunque visum fuerit suppetis, tam in, quam extra patriam salvare, protegere & conservare. Urbs contra & Cives omnes, non solum gratiam & beneficium hoc gratissimo semper animo agnoscent, ac pro viribus demereri conabuntur, sed & obligant se ac firmiter promittunt, post liberatam, salvatamque ita Civitatem, quidquid ratione juris praesidii in Antiprojecto continetur (salvis ceteris in rebus, privilegiis & libertatibus) Reip. Batavorum se promptè tradituros. In cuius rei fidem sigillum Civitatis hinc subimpressum est. Monasterij die XVII. Septembris M.DC.LX.

55. Quibus cum plura admiscerent praesentes Legati; extemplo Gelri Urbis libertatem decernunt. *Monasterium* esse armatâ antemurale Provinciarum; offerri jus praesidii; plures adhuc favores posse tractatibus obtineri; & imprimis libertatem Religionis. Haud diutiùs curant. Etandum; armatâ, festinâque manu oblatione Civitatem solvi oportere. Idem Frisij ac Groningani sentiebant. Nec discorde erat *Transsalania* & *Ultrajectum*. Addebant *Zelandi*, fiducia Provinciarum in eas angustias dilapsos *Monasterienses*, nil tempe-

tempestivè succurratur, sanguinem eorum à Rep. aliquandò repostum iri. Ita Provincias sex Monasterio suffragantibus, Hollandia, quæ omnem belli fomitem studiosè declinabat, sola fluctuabat; nec posse, ajebat, bellum decerni, nisi Provinciarum omnium conspiratione atque consensu.

Princeps eorum non ignarus, ut contra quemvis insultum muniret se, fœdere ante biennium inito *Francofurti*, quod hætenus respectu Austriacorum protraxerat, ocys confirmato, & expeditis variè Legationibus Cæsaris, Regum, Principum, sed inprimis Superùm opem implorat. Partitione inter Dicecesanas Religiosorum familias institutâ, singulis quoquo mense diem destinat, quo virtutum officia, piâsq; tunc actiones, intentioni suæ consecrant. *Coesfeldia, Bilderbeka, Stromberga, Telgeti*, (quæ loca miraculis nobilitata, religiosius selegerat) diversi stipendia sacerdotibus largitur, qui sacris isthic quotidie operentur; ac largas etiam eleemosynas in pauperes Dicecesanos clam profundit. Apud Imperatorem *Furstenbergius* morabatur. Lutetiam Parisiorum abeunt *Matthias Smisingius* ædis summæ Thesaurarius & *Wernerus Zur Muhlenus* Juris Consultus. In Angliam Alegat Baronem *Wilichium Winenthalij* Dynastam *Cancellarium*. Ad Hispanum Belgij Governatorem *Vreden* mittitur Pro-Tribunus. Cum Principum

*Sola
Hollandia
declinat.*

56.

*Econtra
munit se
Princeps.*

Fœderibus.

*Precibus
ad
DEVM*

*Legationibus
in
Austria,
Gallias,
Angliâ,
& aliis.*